

新化縣志卷第十五

官師志二

治績

晉

文斤

宋

楊勛

蔣允濟

元

張善卿

吳將仕  
方大年

何承直

彌爾

明

張元善

葉宗

羅禎

蕭岐

蔣瑛

馬文炯

潘全

陳宣

孫子固

黃充

雷冲

新化縣志

卷第十五

官師二

一

蒲永康

徐仁

劉德儼

劉錡

莫日秀

譙秉彝  
張瓚

徐鑰

崔復秀

郭麟

俞和

葉梧

章錫

應諒

鄧永峯

羅柏

梁建辰

利賓

馮翱

羅應元

余傑

鄭澧陽

楊光拭

陳學乾  
夏森

李珩

周經槐

胡嘉賓  
姜清

王珊  
皮鳳

舒文明

方桂學

郭震廷

魏才鼎

何濬

張鳳翼

劉挺華

姚九功

王之屏

林培

熊養純

鄺祖舜

任天瑞

趙書

孫鵬舉

張良

陳孟斗

張智成

陳治安

鄧維坤

戴文選

蔣拱辰

趙士昌

馬必燧

謝翰臣

江見龍

國朝

程九鵬

海應捷

朱應昇

張際龍

于肖龍

周澤芳

陳可達

甯誥

黃士珩

王康林

劉同向

王國玉

郭四奇

張麟生

李密

賀慶生

彭有道

陳洪王錦

谷旦如潘士英

何衢

周矩王夢亮

蒲開仕

姚奮翼

張宗衡戴高

梁棟

侯可儀

荆道乾

方世仁

黃九敘王業銓

戴高

秦漣

毛琇

周大澍

劉體重陶元直

陳詒厚方春

李之梓

王晉慶

張家榘

林聯桂

王尙德王光庭

胡廷槐

閻海林

李春暄

勞崇禮王家俊

張長庚

彭兆崧許秉鈞

鮑聰

張垚朱輝南

文斤南昌人咸康三年為高平令政尙慈惠民甚德之高平南二十里有山曰高鼎其下有長龍洞層巒疊出石壁峭絕斤棄官後隱於山傳者謂其修煉得道羽化故名其山曰文仙又曰文斤山每遇亢旱祈禱輒應唐潘滔有文公祠記

新化縣志

卷第十五

官師二

二

楊勛靖康元年為縣令有善政時金兵逼近京師欽宗召諸道兵勛聞警躬親勤王民皆荷戈裹糧以從勛晝夜疾馳至襄陽而卒縣民棺斂扶櫬歸新化葬於縣東築墳豎碑祀名宦是役也從征兵民大抵即宋史所稱土丁弩手靖康閒調之以勤王者也名姓無可考邑有劉珊者以從勛勤王積功至指揮使即其一也見劉氏譜勛事詳明一統志

蔣允濟興安人紹興二年登第知縣事民以其初任也頗易之允濟勤於視事敏練明達如老吏然眾大服又以其閒興利除弊民益賴之考宋時令新化者舊志僅載三人欽宗朝為楊勛自有傳高宗朝則允濟一人有史靖伯者孝宗時令新化事蹟無可考其尉新化者有二人林世聰字達叟平陽人高宗朝任陳時長溪人以光宗時任蓋自熙甯五年置新化後二百四年之久其閒令尉

有姓名可稽載在舊志者合得五人而爲立傳者則允濟與楊勛二人而已

張善卿佚其名陝州人天曆初任主簿先是主簿吳將仕名佚縣

尹何承直名佚先後增修學宮諸生齋舍庖廩亦已粗備善卿至

首重教化慨然曰王政以修舉學校爲先學校以教養人材爲急教而不知所養可乎於是經紀廩餼有贏無絀會歲荒郡縣皆乏食而學中有積粟時米值騰貴善卿親詣文廟書符帖定價出糶民旣以得粟爲喜同聲感服善卿遂以所得價二千五百緡增置學田爲贍士資教授方大年有贍學田記甚詳惜佚其名善卿以主簿卑秩毅然以興學校振文教爲己任可謂賢矣大年籍貫無可考以至順元年官寶慶路教授蓋亦當時學官之有聲者也彌爾至正閒任達魯花赤爲政以不擾爲主勸課農桑民甚安之

### 新化縣志

#### 卷第十五

官師二

三

嘗建關侯廟於縣西二里福景山教諭劉舉爲之記後祀名宦

張元善洪武初任縣事恤民疾苦持身尤廉謹縣故有學元至正末燬元善乃卽治西濂溪書院遺址創建又以其閒繕理官署百度修舉士民甚懷之後祀名宦

葉宗洪武中任縣丞潔己愛民出於至誠常建雷神廟於縣南金鳳山禱雨輒應考最擢吏部主事民懇請於朝詔許復任仁惠之風遠近化之二十九年宗與靈壁知縣周榮宐春知縣許昌昌樂知縣于子仁並坐事逮訊部民同叩闕太祖喜立擢四人爲知府宗得黃州府由是長吏競勸一時多循良之績宗以卑官佐治於蕞爾之邦而能使部民感其仁再走京師白別其冤卒致令名丞之賢亦新民之醕也其先宗爲丞者有羅禎南充人舊志稱其公廉正直始終一操行取戶部員外郎祀名宦

蕭岐吉安人永樂初任縣事擢守本郡以廉明仁恕稱嚴於守己祭祀尤竭誠盡慎曰修祀國之大事柰何褻慢將之乎爲治務以教養撫民民卒感服其在新化也置園三導民種茶以充貢賦曰此百世利也民如其教種之又於諸鄉置園十七所教民遍植桑麻椶桐及漆棗蠟株之屬萬厯新化志所云桑棗園十有七也新民懽忻踴躍率婦子種植遂世享其利百姓相與感泣曰我民所由飽食煖衣者蕭侯之功烏可忘也縣南四里有梅山亭宋熙甯閒建元末燬岐即其地重建屬訓導楊士珩爲記其後知縣余傑復修而姚九功顏以問農亭者是也岐在縣久興教勸學息訟弭盜一邑大治及爲郡守一如在縣時郡人所稱永樂朝邵州賢太守者也邵州訓導蔣瑛有蕭侯傳瑛淞江人成化閒任訓導附錄蔣瑛

蕭侯傳蕭侯名岐江右吉水之偉人也我朝洪武初來知縣事若張侯元善始創縣治建學宮又得貳戶羅君禎葉君宗後先繼之

### 新化縣志

### 卷第十五

官師二

四

垂三十有五年流風善政漸被人心班班可考永樂改元侯乃至成其所未舉其所未舉生民未盡飽食也則教之樹五穀勤耘耨未盡煖衣也則教之樹桑麻之類莫不諭多裁取之以供歲辦植茶充貢賦若椶若漆若蠟株之類莫不諭多裁取之以供歲辦公私之用他如作興不淺矣撫循逾八載慎終始擢守不一心其利益於四民也興不淺矣撫循逾八載慎終始擢守不一愈堅政口平卓有聲上下欣慕之今雖已違口碑尙任予奉檄修志聞侯善政善教有如此敢忘固陋傳其事以爲長民者勸也

馬文炯永樂元年任縣事居官有公勤慈惠之稱嘗躬履村落畝畝閒勸課農桑民益感奮自力時稱富庶

潘全松陽人宣德中任縣事廉靜寡欲以公勤稱時出郊教民種植省其勤惰而賞罰之民感其惠爲立課稼亭祀名宦

陳宣吳縣人正統五年任縣事性端潔政尙嚴明時諸衛餘丁屯田各縣者多兇暴不受縣官約束寶慶五開兩衛軍尤甚民甚苦之宣至嚴申禁令無敢犯者閭閻遂得安業其後又嘗修蘇溪大禹廟云繼宣宰縣者爲孫子固江西人以景泰元年任性勤慎人

不敢干以私撫循尤有法在縣百廢具興民甚德之  
黃充吉水人天順初任縣事爲治公恕有仁聲其重學校恤貧窮  
汲汲如恐不及去後民甚思之

雷冲字騰霄連州人天順六年舉人成化二十年任縣事性嚴毅  
廉潔有幹略勤於聽訟尤諄諄以愛養人才勤求民瘼爲念在縣  
數載新學校築城垣修建壇壝養濟院又教民廣瀦水堰以備  
荒旱凡諸大工皆殫盡心力父老感其惠謂百餘年來如雷侯之  
愛民出於天性蓋僅見也邑人劉顯有惠政記後祀名宦附錄劉顯惠政  
記皇上嗣無疆大歷服奉天惠民罔不惟政惟是懋匪農匪兵不  
安養以凝天休於時守令胥奉恤分猷念政惟是懋匪農匪兵不  
輕使民使必以前時以義後事乃集民乃廉允懷罔違肆予新化梅山  
故區火旗擁前資水環後其俗儉士習有古風成化甲辰冬雷侯  
來尹延髦也戴官難忘哉先安養幾俗易風移室家相慶曰惠我  
生尹延髦也戴官難忘哉先安養幾俗易風移室家相慶曰惠我  
架車渠大教我未若弟新廟學門出膳有宮射有亭慎獄訟活冤抑也  
修溪

新化縣志

卷第十五

官師二

五

水晶閣厭火災也廟城陸署壇壝濟院急遞之神祇也築城垣闢四  
門嚴保障也與夫司館各署壇壝濟院急遞之神祇也築城垣闢四  
樹松桂及水之橋津渡罔不一以資遊觀者所惠我沃矣罔勞而  
財不費非若俗吏構一流亭華一榭以資遊觀者所惠我沃矣罔勞而  
也一言善流惠教垂不朽竊惟政在養民而安民則惠仁爲政於  
茲四年矣體國愛民克殫厥心凡厥營爲皆引爲內事所以惠  
結人心感道懷和欲以志不厥忘有如此者使侯永無變其初以能  
保職新天子懷之凡丕將來惠澤融亦猶周人之思召伯也不衰  
直一新之民懷之凡丕將來惠澤融亦猶周人之思召伯也不衰

蒲永康渠縣人成化二年任縣主簿勇敢有爲以幹濟稱時武岡  
沅靖銅鼓五開等處苗作亂右都督李震率師進勦檄永康守禦  
武岡峒口永康部勒兵卒嚴行防堵苗眾遠遁民賴以安

徐仁四川舉人成化中任教諭博學多才教思勤懇課諸生誦讀  
嘗自爲謠語勸之諸生益知感奮終其任無敢越行者後升國子  
監博士去先是教諭有劉德者南昌人性剛方與俗寡合教士有  
條序二人均以稱職著其時同知劉錡嘗督修新化文廟其祭舞

諸器倣古鑄製而創議則知府杜儼也儼鞏昌人留意學校有治行教授鈕璠有重修新化廟學記見學校志錡字宗甫馬平人璠吳江人宣德閒任寶慶府教授

莫曰秀淞江人宏治三年任縣事以清廉著聽訟平允民甚懷之後曰秀蒞任者爲譙秉彝秉彝南充人毀淫祠崇學校甚有治績以憂去後祀名宦與曰秀同時主簿張瓚閩縣人以監生任舊志稱其存心正大會計平當後有徐鑰者繁昌人亦以監生任縣主簿有廉明公恕之稱時宏治十五年也

崔復秀靈川人宏治三年任教諭舊志稱其教學益勤士夫雅敬時與邵陽教諭鄭肅武岡學正趙淪陳管名同噪焉

郭麟閩縣人正德十一年任縣事善折獄以明敏稱扶植善類懲抑豪強縣大治始新化自洪武閒總制胡海洋同指揮賀興隆修

## 新化縣志

### 卷第十五

官師二

六

築土城後尋傾圮僅存基址成化閒知縣雷冲增築之麟至相度形勢卽舊址創建石城經營籌畫厥績甚偉縣之有石城實自麟始也先麟宰新者有俞和滕縣人舊志稱其平易近民後升大理通判去

葉梧貴州人正德中官教諭性醇厚溫和而立教嚴肅諸生憚之嘗以學宮祭器多缺竭力營備後升唐縣知縣先梧任教諭者有章錫遂昌人端嚴誠愨教士有法官訓導者得二人曰應諒臨海人曰鄧永峯蒲縣人舊志稱諒篤學力行永峯剛正嚴謹雅善訓迪當無溢美云

羅柏吉水人嘉靖元年任縣事清操苦節爲人所難爲民間有青菜羅之謠謂其但啖園蔬也凡在縣八年諄然以德教化民息訟獄寬里甲招撫羣盜使悉爲良民後陞永州府同知去之日父老

泣送道阻不得行柏去而梁建辰繼之建辰番禺人嘉靖八年任才質通敏措置經營舉合程度時縣中盜賊充斥建辰悉力除之又清學田修橋梁建養濟院創漏澤園置義塚於邑之趙公山士民咸戴其澤在任三載以陞大理寺評事去二人皆入祀名宦利賓字用卿一字道夫歸善人嘉靖十一年任縣事有治才摘伏如神丕振文教縣西有元溪林麓四塞絕嶠險阻巨盜李萬昊據之以其黨千餘人橫行村落閒萬昊死子又繼垂三十年賓至儲糧餉募丁壯計誘其渠八人戮之復懸賞令其黨得相翦撲自贖其脅從之黨悉爲撫處賊平事聞擢南道御史方元溪賊之就平也賓言之大吏請於其地建堡卽所稱紙錢堡也并請檄寶慶衛指揮一員軍丁二十名戍守以示控禦又縣有花橋者在東南百里接壤安化湘鄉二縣盜賊常出沒於此賓亦請於其地設堡以

新化縣志

卷第十五

官師二

七

寶慶衛千戶一員率軍丁鄉夫戍守時主簿馮翱達州人以敏達見稱花橋堡之設也翱實與賓議行聽訟公允民尤服之翱去而陳徹繼官主簿徹新河人銳於任事能守官箴卒於官百姓哀之羅應元澂江人嘉靖二十年任縣事爲治寬猛相濟甚爲吏民畏服縣東北八十里有油溪者接壤安化地險隘山壁峻峭爲盜賊往來嘯聚之所應元禽其渠首寘之法并議卽其地設堡令居民嚴行團練自率鄉勇守禦油溪遂平僉事楊祐有過油溪詩云油溪何淼漫峻嶺復巒岼白日蛇龍起青林虎豹搏乾坤誰設險登陟此遐觀刀劍今牛犢須知帝德寬府志云據此則應元平賊之功不在利賓姚九功下矣然新人言二令平寇事至今弗衰應元則湮滅弗傳蓋亦有幸不幸哉今從萬曆志採得茲事亟爲敘錄使與利姚二令功並著云應元後以平賊功擢興國州知州去

繼之者余傑也

余傑字邦彥銅陵人嘉靖二十五年以選貢任縣事性醇厚為治先教化而後誅罰寬里甲平徭賦以與民休息宿姦巨蠹皆斂跡不敢發也值歲大旱傑嘗徒步徧禱諸神大雨如注歲遂有秋民以為至誠所感喜論文見民子弟接引誘誨藹然如師生出私俸於邑之東南創建書院召諸生居其中而以時督課之士習一新顏其所居之室曰學道愛人蓋其慈祥愷悌之意粹然見於言表也凡在任七年去之日士民攀轅泣送既去之九年為立遺愛碑而邑人鄒廷望為之記附錄凡鄒廷望邑大夫余侯遺愛碑余侯知

志觀民風稽宦蹟之芳躅景往哲之耿光新之人舉躍然以喜日紀夢余侯之蹟以舒輿懷卓立等謹於其事以請曰蕭露若繩員炳列各以罰民役治首里人侯惟節省冗耗拊循仁慈而政與民休息化而後誅

新化縣志

卷第十五

官師二

八

次平徭賦清田籍有寅惟公宿猾至兀諸兀神而禱之一語前城墀夏大旱民罄將弗其家侯竭誠徧索諸兀神而禱之一語前城墀夏文自責猶憶其懇語曰官不職何辜甯宇侯之飢猶已其所以幾大兩如注回歉為豐易診為和民有甯宇侯之飢猶已其所以保我新民者無疆文修政度稍暇之尤髦士論亟接引而崇獎之於禮讓識仍示以學作新士習一日檢遺末為實錄之於東隅出節義之紀尤加慎重其所教化我新民者無窮如於忠孝私世思反侯抑而敷曰寇懷柔斯土有遺焉願繫諸貞珉以志世思陳侯作而敷曰寇懷柔斯土有遺焉願繫諸貞珉予昔公知也遂命立石於公所望則安其知卓魯其最也今其人書僅見焉夫古如子循吏善於傳事而已矣當魯之君至下褒異即為政不喜炫赫之功緣法治而仁每溢於外嘗扁以昔侯之學道不可行人於今惑矣庸書之民詔來者侯名不傑字而邦彥謂古道之學道不可行人於今惑矣庸書之民詔來者侯名不傑字而邦彥直銅陵人

鄭澧陽諸暨人嘉靖三十四年任縣事性簡易恂幅無華有古循吏風而厪心民瘼作興學校汲汲如恐不及在縣數載多著惠蹟



其後相繼來令者有楊光陳學乾羅拭諸人光嘉定人性慈惠然未嘗有所興革論者謂其樸實有餘剛敏則不足也學乾揭陽人治尚嚴明吏民畏服蓋踵楊光後而矯其寬柔之失者也縣有陂坪村者在縣西北一百四十里與溲浦接壤爲盜賊藪嘗白晝出掠村民苦之學乾議卽其地設堡以寶慶衛指揮率兵戍守盜患遂息歲久堡舍就圯萬厯閒知縣姚九功重加修理更名新安卽今所傳之新安堡也拭星子人舊志稱其宅心仁恕治事詳審不爲民擾又主簿有夏森蕪湖人與陳學乾爲同官學乾議設新安堡森實贊成之蓋亦丞簿中之以幹濟稱者也

李珩南豐人嘉靖四十四年任縣事始至見學宮傾圯鳩工修治又創建齋舍十有七楹治政之暇立期會進諸生課之勗以修身治己之學捐俸資其膏火其不能婚葬者厚助之最後買田五十

## 新化縣志

### 卷第十五

官師二

九

餘畝爲學田以贍寒士多興感向學其官主簿者有周經胡嘉賓王珊經江陰人材識精敏持己亦端嚴民甚服之嘉賓宐賓人性廉介一介不苟取予嘗權瀏陽縣事至轡所乘馬以歸珊富順人有治才多合機宐其爲典史者有張槐姜清皮鳳槐閩縣人性勤慎惠愛及民人甚德之清永豐人勤慎與張槐同而吏才爲優鳳清江人治事有條理以謹恪爲上官所重

舒文明賓州人嘉靖中官教諭博洽經史雅善文章督生徒宿號舍親授講解雨雪不倦士多歸之謂新化賢師儒前有徐後有舒云徐謂成化閒教諭徐仁亦能稱其職者也又嘉靖朝官教諭者有方桂郭震官訓導者有魏才鼎何濬張鳳翼汪宗學李廷世郭修業諸人桂淮安人博學多才植躬甚謹出其門者多所成就殆一時名宿也後陞海豐知縣去震宐春人有學識器度溫雅士樂

親之才鼎臨桂人克端教化不負其職濬順慶人言行不苟一時有老成持重之目鳳翼巴縣人善訓誨深得士心宗學繁昌人性剛毅立教嚴肅諸生無敢違者廷世南培人有文行英偉絕倫人多以大器目之修業萬安人言動皆依禮則教諸生尤諄諄不懈士心嚴憚蓋嘉靖四十餘年間所稱師範克端有裨學校者合之文明凡得九人甚矣人師之難得也

劉挺華眉州人隆慶三年任縣事舊志稱其聽訟不苛馭下得體亦賢令也

姚九功字徵虞臨安人萬曆十一年任縣事性明決有吏才先是元溪巨姓李萬昊父子相繼爲盜垂三十載嘉靖朝縣令利賓以計誘其渠八人戮之復令其黨得相翦撲自贖賊漸平矣久之羣盜復嘯聚招集亡命西引辰酉諸峒蠻出沒湘甯安澁間爲寇元

## 新化縣志

### 卷第十五

官師二

十

溪賊遂世以巨盜聞於時談者變色郡縣惴惴相戒勿犯當事議決去之無一俘者九功至卽大集耆紳議勦籌餉練兵將半載憮然曰厲民以除盜非計也久之得嘉靖中利賓以計誘禽盜魁事乃走符懸金餌之不至幹役有點者與賊黨某善使其入其巢給之曰若黨某沈案未獲人也若能捕而獻之則餘眾皆釋且功最將聞諸朝予官賊方信而忽疑仍蹲伏不出亡何督學使至故事提調挈諸生往九功輒空國行示無備密授諸從事以方略復往說之賊偵知印官已行果不疑率其黨如約械某案賊某某赴邑庭比至縣醪饌盛設賊恣飲啖左右襲執者突出皆就縛九功遄歸下檄安其餘黨親履其地籍田宅散其徒暨賊孥徙之別里計口受地而元溪賊遂平九功請於其地置堡卽賊首所居宅增葺之名曰新堡寶慶衛遣弁兵防守於此邑人鄒廷望有姚侯平寇碑

記鄧顯鶴增集楚寶以九功與利賓□□列之宦績并書其後時  
與平元溪賊者為蘇溪司巡檢王之屏其功最多舊志失載至籍  
貫亦無可考云又貳九功官主簿者為汪大有綏甯人宅心平恕  
事不苟求甚為九功所重去之日民甚惜之附錄宦顯鶴書漢書  
循吏傳述孝宣之言曰庶民所以安其田里而無歎息愁憾之心  
者為盛稱中興焉若趙廣漢廉明通敏以習律法善鈞距發奸多任  
刑罰今攷廣漢諸人皆廉明通敏以習律法善鈞距發奸多任  
威制豪強擊斷奸猾為能其要歸於安民而已廣漢為穎川守得  
大姓原褚首惡郡中震慄又教吏為鈛民及得投書削其主名得  
以為罪目盜賊以有故不輒披籍收取黠吏豪郡中致其罪以不  
奸邪罪民肅知之以有故不輒披籍收取黠吏豪郡中致其罪以不  
一百吏捕得數百人窮治所犯由是盜賊衰止小民無偷盜後世苟且  
之政以肉強食莫敢為誰何一切遇水旱災侵嘯聚呼馴致里弄  
豪奪以肉強食莫敢為誰何一切遇水旱災侵嘯聚呼馴致里弄  
池而莫可制前吏之流寇之禍矣其舊起告巷小民坐受茶毒  
能以力達於長吏之庭者少矣其舊起告巷小民坐受茶毒  
受左證之欺者矣又况之官恃利役為爪牙捕視盜藪為金穴盜不願

新化縣志

卷第十五

官師二

十一

官捕為護符民視官府如天帝令長之庭有膜元溪在邑西百一  
民除害哉此法令滋章而盜賊之所以多隔也萬里猶望其為  
十里有紙錢堡見舊史蓋險砦也余嘗親履其地問利之姚二侯平  
寇事父老猶堡有能言之者既輯其略入宦績而復為論之如此鳴  
乎縣小耳子僻生理我隘所恃以拊循而安輯  
者縣小耳子僻生理我隘所恃以拊循而安輯

林培字培之東莞人萬曆十五年任縣事治尚廉明多所興舉循  
聲惠政一時稱最始至縣值歲大荒捐俸倡賑民賴以活遂修行  
水利勸令邑人遍立社倉以備荒歉又於城西創建社學於縣學  
東隅修射圃行古鄉射禮邑士化之各於其鄉仿修社學於是社  
學遂徧新化縣人鄒廷望有新建三鄉社學記培亦有三尖峯社  
學碑記並見學校志縣有五人同死於盜未得主名培禱於神有  
蝴蝶飛集神案因隨蝶所至獲盜時驚為神督學道某聞而奇之  
試諸生日以蝴蝶賦命題舊例新化歲須潞府茶貢培至請蠲之  
百姓稱便凡在新化五年多善政行取南京河南道御史劾罪誠

意伯劉世延寘其爪牙於法已上書言時政觸神宗怒謫福建鹽運知事乞歸卒天啟初贈光祿寺少卿附見明史馬經綸傳培在新化與縣人鄒廷望及其子蒙泰兄弟善與蒙唱和尤多今洋溪有鄒氏科第坊培所書也培文章政事卓然爲萬曆朝名臣固不僅新化一邑稱賢令君已也其時學官熊養純鄺祖舜並有時稱新化諸鄉社學之舉二人實贊成之亦畱意學校者也培之後有任天瑞趙書二令天瑞新貴人舊志稱其有治才書鹽山人聽訟敏決諸弊釐剔殆盡其官主簿者有徐茂先尉有范賢楊文達皆稱職茂先龍溪人舊志稱其廉勤質實佐理功優賢常熟人居官勤敏有幹才文達慈谿人以勸恪通明見稱此皆萬曆時令簿尉之有聲者也

孫鵬舉字何知江夏人萬曆四十五年任訓導鵬舉性剛思以忠

新化縣志

卷第十五

官師二

十二

孝節義與天下士相砥礪所至交其豪傑與熊襄愍廷弼尤篤廷弼以遼事下獄死西市鵬舉聞之素服設位於學署之東北爲文以祭伏地大哭諸生侍者皆爲泣下後擢松楊令致仕歸獻賊攻江夏城鵬舉與賀逢聖爲死守計城陷冠帶坐中堂家人挽之避怒叱去之賊至罵不絕口遂遇害一門赴水死者十餘人祀鄉賢又萬曆中先後任學官者教諭有張巒陳夢斗訓導有張智羅良王世起梅大成皆人師也巒大理人持己莊嚴課士勤篤升澂江府教授孟斗順德人博學植品有經世才與諸生相見勗以砥礪名行無他語以是爲諸生所敬憚智永昌人性坦率待士以誠良達州人有學行性亦耿直世起江陵人宅心誠篤薄祿所入嘗以周卹寒畯饗不給弗顧也大成武陵人沈毅不苟不愧師儒之職

陳治安字爾道一字元晏會稽人天啟四年任縣事甫四載惠政甚著御下嚴更胥隸卒往爲民蠹者至是不得行其私新人有陳鐵耳之目與邵陽令喻鐵耳並稱云暇與諸生講求理學勤考課士感奮知所嚮學月朔望日輪赴各鄉與耆老子弟講說鄉約居恆則日袖數文錢買飢餓充飢晨出夕還周行村落數十里人無知者邑北梅花洞爲盜賊藪治安單騎往諭以禍福并與講天人理氣之說語極痛切賊黨伏地悔泣誓歸田畝盜患遂息又邑東有芙蓉洞極幽邃中有龍池治安嘗以祈雨至洞甘霖立降自爲文記之見輿地志治安在新著有梅山記事貞言諭俗諸書譚元春爲之序去後新化士民爲立去思碑儒學訓導孫鵬舉作記言治行甚詳其繼之者爲鄧惟坤程鄉人在縣四載政美教備卒於官士民懷之時主簿沈逢年上海人有幹略喜氣節亦善書嘗作

新化縣志

卷第十五

官師二

十三

勸農歌涉世鏡刊示士民競傳於邑與治安甚相得云

附錄孫鵬舉元晏陳

公去思碑記爾等思公者何諸文父老曰方公至新之五月子記懇予予曰爾等思公者何諸文父老曰方公至新之五月子亦捧檄至我公所以覆露我新爾等必知之最悉請志以爲惇史予曰吾能代爾等思而文不代爾等必知之最悉請志以爲惇史方偽也諸大夫及商賈之舟車皆不我知也爾等必知之最悉請志以爲惇史民罄三教不足以及商賈之舟車皆不我知也爾等必知之最悉請志以爲惇史奧宮敝且入公而爲數者尤加意中且貧者感奮先期設給中式者二且入公而爲數者尤加意中且貧者感奮先期設給爭自洗濯以無負勵成者亦時爲周恤額牛馬二不率匪怒邑悉蠲獨新茶抵福邸茶價積私潤於稅徵公削己俸公代盡備弛之思使毋重資惟困則思左右積私潤於稅徵公削己俸公代盡備弛之思使毋重於公俗則思左右積私潤於稅徵公削己俸公代盡備弛之思使毋重入獄雖遠不出百病外甯無羨馳赴恐緩交際不實騎從亦計也殆思恐人命重病雖遠不出百病外甯無羨馳赴恐緩交際不實騎從亦計也殆思恐人命煩所過案路已貧入贖鼓不吹得完者公即釋遣至登報不片言數吏書拱手受成案而己貧入贖鼓不吹得完者公即釋遣至登報不片言數吏書拱鞭答以缺則警思不一絲毀一粟一人魚一菽質於民閒勿以罔取厲時省則思

月朔望人至各鄉講說教尊則罷老扶疾親顏色童釋公喜舞庭除論并以  
見有隸氣之說募令痛畱當黔者最號農精勁蓋彼實踴赴黎故民驚  
擾人公自以餐錢募令畱住黔者最號農精勁蓋彼實踴赴黎故民驚  
也徵其糧運妻令各思月不自辦兩公親失所天錢送者芙蓉洞祭而隨且  
厚恤祈再應家神繩削者已之胥隸而所摩者之疾苦甯食捐而此豐  
饒民之室不冑德民如以躋矣如官之何勿思假令公直安忘身一取去  
新官以濟世民不忘公德者如躋矣如官之何勿思假令公直安忘身一取去  
破碎就功弊急於民催科洩其素撫所疾苦而五年不得聲者超擢去未幾而  
巷陌流傳無已時則雖榮亦辱也知為吏矣何公可以治安字爾道不肖  
夙奉公訓今可見之民情夫亦愈知為吏矣何公可以治安字爾道不肖  
紹之會稽人丙午自北監舉

戴文選字拙愚建昌人崇禎五年以同知攝縣篆時所在盜起民  
多驚竄文選撫循安集使復故業邑境乃定在縣未久首薄贖鍰  
革火耗凡一切為民擾者悉禁罷之聽訟無冤獄蓋嚴而無苛政  
寬而無廢事本學問而為經綸者新民立去思碑邵陽彭克濟為

新化縣志

卷第十五

官師二

十四

記新附錄至克濟郡新貳守戴侯去道越數月辛未歲郡丞戴公以權攝如  
失慈父之母不謀能諉也珉公之志思新也首予贖予有是耗凡一切之為  
心擾者悉禁罷之聽訟則以文章飾吏治本學問嚴明而古所云  
苛察寬恕不罷失之聽廢弛以文章飾吏治本學問嚴明而古所云  
循良吏如公者何諸生談論必於私室為先故士人亦知趨向  
之座右以自警與諸生談論必於私室為先故士人亦知趨向  
方是時萑苻逃嘯聚盜起比比公撫綏安集秋毫無擾於  
譎言挈妻孥逃嘯聚盜起比比公撫綏安集秋毫無擾於  
女勤織商旅復歸廬此自達於四境得此於公哉先新未公而  
循猷善政更僕莫數如自新之亦何行臺省辭意沈痛如覽鄭  
華容時為華僕莫數如自新之亦何行臺省辭意沈痛如覽鄭  
監流民圖使人民不忍餉目大吏以書聞得旨報可迄今華民尸祝  
之其佐理邵陵也條人感捕慕公務皆一實心行公實政釐奸剔弊之  
績卓然資邵陵也條人感捕慕公務皆一實心行公實政釐奸剔弊之  
於我公也余隸公宇下棠之思未始節召伯也才僉曰不能子揚是  
一而新也余隸公宇下棠之思未始節召伯也才僉曰不能子揚是  
也遂勒之於石以永志去康府建昌人選  
號拙愚本郡同知江西南府建昌人選

抱訟牘進者立為剖決曰無以累無辜也慎催科徵收記簿皆躬  
蔣拱宸字圖巖丹徒人崇禎十年任縣事性剛毅勇於治事民有

自衡較置大鉦於餉櫃側里胥有勒索者令鳴金以聞立重懲之  
又以所在盜起繕治城垣以定民志尋調任攸縣去邑人思念不  
已拱宸之前以賢令稱者有趙士龍馬必燧許祚昌士龍巴縣人  
剔弊除蠹吏民懼服以忼直爲上官所抑人咸冤之在任二年去  
必燧繼之必燧容縣人性和厚喜談論然禾嘗廢事也祚昌漳浦  
人以崇禎八年繼必燧令新化舊多陋規一切禁罷之吏胥有懷  
怨者而士民之受惠深矣尋以行取刑部主事去

謝翰臣石屏人崇禎十四年任縣事武岡袁有志之變翰臣團鄉  
兵堵禦白溪民陳三傑作亂立捕平之十六年張獻忠遣其黨陷  
寶慶其僞將賀相如復統眾由別道逼新化翰臣督兵力禦遂禽  
相如縛送偏沅巡撫會副將張先璧率眾數萬自安化至新化橫  
掠與賊無異翰臣戢以禮先璧爲少斂所全甚大尋陞重慶府同

新化縣志

卷第十五

官師二

十五

知去江見龍繼之見龍黎平人政尙慈愛性嫻雅善詩軍興旁午  
督餉甚亟猶與諸生講論不輟其時教諭賀聯登溆浦人敦品行  
教諸生意甚懇摯士風振焉

程九鵬鹽亭人順治七年任縣事是年春三月明將牛萬才大掠  
新化民不能耕者百餘里流亡殆盡冬十月固山線國安率師擊  
討搗黃楊山克其巢賊乃遁去九鵬以寇亂之後蒞縣撫卹甚勤  
又鞫獄明敏民免株連之累頌聲翁然其先九鵬任縣者爲海應  
捷以順治四年蒞任其年縣初內附入 本朝新化之設縣令自  
應捷始舊志稱其清操雅度愛民禮士休養之功爲多云應捷山  
東人佚其縣

朱應昇字允升上元人順治十年任推官應昇以潁州學官薦擢  
茲秩時寶慶尙陷眾皆阻其行應昇被命卽策單騎就道至則郡

已復矣受大府檄權知縣事又明年偏沅巡撫袁廓宇以張際龍知縣事乃令應昇還寶慶先是明將馬進忠令部將劉大鏞守紫陽河大鏞不戢將士肆掠鄉村樟木嶺者桂王遊擊武元高駐兵地亦被淫劫元高大憤懣昇知有釁可乘密結元高謀大鏞三月朔大鏞與元高歃盟樟木嶺宴飲方酣其別校三人投民舍狎婦女應昇至擒之大鏞驚竄去元高亦降邊境乃肅未幾武岡寇侵軼將及邵邵城東北瀕資江西南負山應昇於山隈要害處立敵臺置角砦募丁壯守禦又令人於江中具艨艟置旗幟揚言荆鎮大軍至矣城內外譟聲大起寇見之信爲實乃遁袁廓宇上應昇禦寇功奏以本官權分守下湖南道兼知府同知事於是一身四縮印綬諸務填委應昇日攜兩僕乘一羸馬往來列署據案決事肆應裕如也時經略洪承疇及偏沅巡撫俱駐寶慶戎騎充斥

新化縣志

卷第十五

官師二

十六

相戒勿犯朱推官令其政教嚴肅若此民間利害力請於上官以次興革得允乃喜否則抗詞爭論不得勿休也郡民喜訟嘗一獄稽滯數年應昇至一訊卽決百姓遂免株累暇時喜與諸生講學諄諄然勗以砥礪名行邵人士多知自好服其教也居官廉介不名一錢去邵日至質袍帶以行士民爲尸祝於學宮又繪像於五臺庵祀之其在縣也撫綏殘黎不遺餘力士民感思不已亦爲立祀於縣南福景山屬長沙胡爾愷爲去思碑記應昇後贊經略洪承疇幕府出謀發慮動合機宐承疇甚見倚重尋以母老乞歸歸時猶至邵陵爲母遍徵壽詩邵人獻者甚眾車以遵詩有行笈衣曾典歸舟石且無句其清介良不易及也應昇事母孫氏至孝愛弟盛符亦最篤母以苦節著明吳中大吏疏請旌表其誕應昇也豈偶然哉



張際龍字元功蕭山人順治十二年任縣事先是推官朱應昇駐縣故不除令至是偏沅巡撫袁廓宇檄應昇還本任乃以際龍知縣事際龍性廉靜聽訟不苛教養休息民以爲復覩恬熙之治云一日城南不戒於火延燒廛市民廬其焰方熾際龍禱於神大雨立降火滅羣以爲至誠所感

于肖龍字雲賓內鄉人順治十六年任縣事自經喪亂後民間田籍多爲豪強兼并肖龍按冊清釐民以不爭時里甲不均徵輸多加火耗保戶復持其利民遂重困肖龍一一禁罷之讞獄以明決稱無敢欺者持守尤廉介常俸外不私取一錢在縣十年兢兢如一日也嘗以縣學傾圯日久謀之教諭周澤長訓導溫聯芳毅然修建規制視舊爲更備尋纂修縣志略存文獻於兵燹之餘蓋自明萬曆朝知縣林培修輯後至是已歷七十餘載矣是時偏沅巡

新化縣志

卷第十五

官師二

十七

撫周召南檄下所屬各置義學肖龍奉檄首先建學顏曰梅溪書院卽後所改爲試院者也縣署之西舊有按察分司行臺肖龍復卽其地改爲義學延師教民子弟當時遂稱爲于公義學今久廢矣肖龍在縣久其興教勸學鋤強剔弊諸政有古循吏風以行取吏部主事去邑人作百里謠頌之邵陽車以遵贈以詩有清剛無喜怒溫栗有咨詢之句蓋紀實也澤長字蒼濤景陵人好讀書時以淵博稱丰儀端重諸生見之肅然也學宮之役躬自經紀寒暑弗輟學成環植槐桂百餘本曰欲使後之人知此爲景陵周澤長所種耳所著有古梅學舍詩草聯芳字造之鄖縣人博雅尙氣節嘗終日端坐手不釋卷性尤爽朗與澤長相得甚懽也肖龍之纂修縣志也澤長與聯芳分任編輯之役又其時縣尉陳可達亦以能著修學之舉可達黽勉襄事時稱其勞云

甯誥字伊庵潁川人康熙初任縣事有敏練才尤喜造士嘗集士大夫試於庭而督課之一時文教之興稱爲國初極盛云又以學宮就圯方謀修建將措工而滇變適作乃罷郡陷誥佯狂肥遯隱於衡山悒鬱以卒

黃士珩字晉問江陵人康熙四年任教諭博學多聞植躬嚴重不苟嘖笑以是爲諸生敬憚然來謁者必霽顏誨之意肫然也家藏書甚富悉運之至朝夕披誦雖嚴寒盛暑弗輟嘗留意朝章典故於軍國大務尤喜講求隱然有用世意惜屈於冷曹未克展其志略也在任纂修縣志又出私俸倡建學廟啟聖祠蓋有功學校者也其後相繼爲教諭者有王康徐光林劉同向谷旦如諸人皆以稱職聞旦如自有傳康字瞿士孝感人風度端凝學識淵博早以詩古文辭名荆楚間及履任師範凜然教諸生嚴立條約以身先

新化縣志

卷第十五

官師二

十八

之諸生相戒率教嘗私語曰今而後乃知師道之尊也光林字雲參黃州人勤於考課能以端毅爲多士模楷尤練達時務後升府學教授尋擢齊東知縣同向字校五蘄水人好讀書案閒羅列經史抗聲朗誦環學舍居者聞其誦讀聲輒戲效之時召諸生論文諸生服其襟期高邁器量宏深亦樂近之出其門者多所成就以啟聖祠及明倫堂漸就傾圯乃出貲修繕尤喜調恤貧士自忘其官之清貧也去官後邑人思慕弗置云

王國玉字石友遼東人康熙十八年任縣事時寶慶初復縣始設令大吏以國玉有治才檄之使來在縣拊循瘡痍能著惠績又以縣志闕如文獻就湮亟爲纂修而自出私俸成之亦一時賢令也時典史郭四奇亦以十八年任性誠慤勇於任事助令清保甲固城垣以勤慎見稱時滇黔大兵尙未撤督運軍餉部署皆資其力

國玉倚之如左右手縣民亦懷服惟恐其或去也又康熙初元尉新化者有金守起亦能吏也性警敏慷慨多才不避勞怨時大兵進平西山流寇郡當解運軍餉知府傅鸞祥檄令督運守起倉卒措理皆中機宐而夫役賴以生全者甚眾康熙朝新化縣尉之有聲者二人而已四奇字子庸榆林衛人守起字似商金華人張麟生天津人康熙三十一年任縣事持身廉潔一絲一粟不苟取於民儉約逾於寒素或勸其毋太自苦曰吾不忍朘民以自養也尤篤意學校時集諸生講明義理之學因誡之曰士者平民之表率也士習端則民風自歸醇厚而郡縣得以理矣諸生感服一時士習爲之不變

李密字樞生歸州人康熙三十三年任訓導嘗於學署隙地構別墅遍蒔花竹日集諸生窮經講藝於其中怡然陶然不以窮乏累

### 新化縣志

#### 卷第十五

官師二

十九

其心諸生有浮薄無行者痛懲之故其時士習稱善嘗補葺文廟兩廡及明倫堂如密者庶幾無愧人師之目歟其後官訓導者有賀慶生以康熙五十二年蒞任世所稱經師者也慶生勤學篤行治諸經有聲諸生執經問難者詳爲辨論娓娓弗厭亦不能難也其課諸生制舉文先自爲擬作以示食頃立就人爭傳誦蓋康熙朝前後任訓導者不慮數十人而卓然有文行可紀者惟慶生與密二人其他則皆湮滅弗傳矣慶生字來章湘鄉人

彭有道廣東會同人康熙四十年任縣事有道宰縣四載去官日縣人李天任送以詩跡其辭意殆亦居官廉惠以忤當道挂冠而去者也天任爲國初詩老其言當可徵信爲敘錄之

附錄李天任送彭大

令歸南海詩富貴直等朝晞露腰間冑爲五斗誤縱有是非當道起巢父掉頭今不顧梅山凸雪伴肝腸杜母慈雲今若故諸公何必再三畱春滿羅浮花滿樹賤子多年臥綠溪釣竿魚艇先時具風雨倏忽散九霄公去粵東我西路脫有南海便來使一片相思

陳洪邵武人康熙四十五年任縣事為政以慈惠稱嘗值歲飢亟白於上官發倉振民全活無算湖南例食淮鹽而新化以僻遠鹽常不至民間不得食鹽者輒累月洪力請儲鹽長沙聽民轉販遂為定例民以為便縣有虎患洪為文牒之社神虎乃出境一時喧傳以為非陳令君至誠惻怛不能得此於神明也去官日百姓相率送者數百人後有王錦者江南人以康熙五十四年宰縣舊志稱其吏治詳明居心不刻

谷旦如字宸臣一字翼宸鍾祥人康熙五十一年任教諭旦如治經有聲日以經學教授生徒兼攻舉子業新人從者益眾士習文教稱盛一時蒞任十年去諸生為立去思碑而屬縣人楊如炯為之記其繼之者興國潘士英也舊志稱其性質明敏尤敦尚氣節

新化縣志

卷第十五

官師二

二十

云附錄楊如炯學師於茲矣公去思碑記翼翁谷先生以名孝廉為吾士恐先生之挂冠而去也焚香結綵遮道攀畱者泣數行下飲錢江干酌而日行矣毋鄙穉寒而有遁志乃尊鱸味美桑梓情深已遠飄飄之何返矣炯等愛結於心遙望江漢水滸伊人在焉典型儀表醇雅者其文章雄渾者其詩辭昔也曉臨夜話把酒論文今則登少陵之堂執經無地矣昔也倒屣披帷析疑問字今則雲之室請益無人矣不知先生赴香山祝之約集洛社之賢圍棋賭墅時亦還念梅山寂寞先生濱有歌山之祝之思我之故人否也何衢字步天廣原人雍正六年任縣事性慈易持守尤廉潔縣向多陋規自令以下至吏胥相沿索取流弊日深衢至吏以陋規款月冊進衢閱之奮然曰是尙可為民父母耶悉行禁革民間勒派差役亦悉罷之百姓感激泣下曰願生生世世毋忘何使君也相率勒石顏曰何侯永禁陋規碑記衢善折獄勤於治事晨起即坐堂皇吏抱案牘進立為剖決嘗語人云民間不幸構訟官為稽延一日民間即受一日之累柰何逸已以厲民耶以重獄聞者即日

自裹餼糧單騎往驗不以絲毫擾累竟其任無冤獄疾惡甚嚴奸吏蠹役及豪民強族之爲患者悉懲治之不少貸其政尙嚴明最重士子月集諸生而親課之夜或微行城市及郊外村落閒聞讀書聲卽徑入獎勸有加縣人士蒸然向學後調任衡陽縣去士民懷思弗衰

周矩字乃粒一字士濟鄴縣人雍正八年任訓導端厚正直動止皆有法度接諸生粹然溫穆使人對之矜躁俱釋諸生嘗私謂曰每見周先生敬愛兼至殆如祥麟威鳳不可褻視又如甘露醴泉而其味不可窮也其爲士林所服如此教二子洪先洪彥皆有禮法縣人化之矩在縣九年年七十矣二子勸之歸諸生挽留之不得乃立遺愛碑而縣人黃綸爲之記至今邑中談師儒之賢者必舉矩爲最云其先後官教諭與矩同僚者爲王夢弼劉師亮夢弼

### 新化縣志

### 卷第十五

官師二

二十一

黃州人舊志稱其品行醇正訓迪有方以升宜昌教授去師亮潛江人以乾隆元年任時縣令姚奮翼修學廟成與矩及師亮商置祭器制造如法當時學校爲之一新矩之先官訓導者有蒲開仕永明人敦尙氣節不苟於職蓋亦賢學官也

黃綸周先生遺愛碑記云自古官人以德

而於外而言蓋以義理之正積之於中者光明洞澈浮躁其效有非才人後所以勝厥任誠以言教則訟身教則從浸灌於今九年化士之直清而不器以動止有法即其外之形司鐸於新所養邑端方之能成而器以動止有法即其外之形司鐸於新所養邑士之沐其休者如祥麟威鳳不可褻也又如甘露醴泉不可窮也近之而氣自和對之祥麟威鳳不可褻也又如甘露醴泉不可窮也神矣明道先生之門人當言致仕其在春風中坐了一個月况亦允乎和煦九年乎今先生年有言致仕其在春風中坐了一個月况亦允遠其請同人敏試畱其略不得先生之所養難德忘謀而薰陶漸被之垂諸久終未易曰洪彥容也先生衡陽世家知名於世而端凝靜穆古道自持曰洪先曰洪彥容也先生衡陽世家知名於世而端凝靜穆古道自持此足以見先生之教而矣

姚奮翼字扶九潼關人雍正九年知縣事以簡靜慈惠爲宗愛民禮士出於至誠辭色溫醇厚近之靄然古循吏也以縣多嚮學士而藏書家絕少遂出私俸購經史藏之尊經閣令士人朝夕誦讀其閒公餘之暇亦手不釋卷與諸生講論辨晰娓娓然自忘厭倦也嘗以其閒修理學宮壇墀及育嬰普濟諸所凡有興作皆關政體未嘗私役一民也又以學宮祭器多缺如法增置更擬仿古制爲樂舞諸器以器數繁重且將去任而止奮翼以雍正九年蒞任至乾隆九年乃去凡在縣十有四載民視之如父母縣大治去後爲立去思碑蓋雍乾十六七年閒奮翼與何衢前後來宰新化寬嚴相濟奸弊胥除士習民風翕然稱盛斯亦一邑吏治之美也張宗衡字一平曲沃人乾隆九年任縣事在縣嚴治盜賊民得以安待士極有禮然外寬和而內剛栗人望之凜然未嘗敢干以私

新化縣志

卷第十五

官師二

二十二

也初縣令于肖龍刵建梅溪書院在城隍廟左歲久傾圮宗衡乃遷之廟右并置田爲贍士貲可謂勤於勸學者矣蒞治六載去繼之者戴高也高字上瞻永新人乾隆十四年任政尙寬恕治事以敏達稱縣無試院試日諸童咸自備器具集令署高病之謀之縣人晏廷冕曾欽是黃絲輩卽梅溪書院而擴大之就建號舍規制崇備於是應試者遂免自備坐具之苦新化之有試院蓋自高始也先是宗衡嘗擬繕葺學廟而屬縣人楊可震爲募修引會以去任弗果高至踵成最後纂修縣志以其受業師王世業主之世業自矜獨斷高循循執弟子禮遂聽其師之所爲坐是眾論譁然高去後尋卽毀之高在縣久一切務爲優容其後信其師言稍事操切縣人段起玲有學行素以戇直稱者也至是上六不解書語過激切高虛衷受之亦不與辯也其寬裕類如此

梁棟字南浦一字飛虹靈川人乾隆二十二年任縣事在縣數載政教修明仁聲翔洽縣人親愛之如父母嘗捐一年之俸修葺學廟尋出俸重理試院又以前令戴高纂修縣志不饜人心乃咨訪於眾重編一書時以爲善卽今所傳之新化梁志然亦無以大異於戴志也棟以調任江華去士民至今追思之

侯可儀字象山金匱人乾隆二十九年任縣事愛民勤政出於至誠晨起卽坐聽事讞理獄訟謂縣官一日耽閒待質者卽受一日株守之累竟其任囹圄幾虛嘗以縣學雖歷經補葺顧多囚就簡陋乃首先捐俸鳩工大修其汲汲學校如此可儀前任甯鄉知縣縣當衝要上官往來無虛日可儀循例供夫馬迎送亦惟其禮不冒事趨奉或遇要訟再四審讞謀者報上官騶從臨境弗輟也上官多以爲慢而民甚德之蓋宰甯鄉一如宰新化云

附錄邑人段起玲龍爪塘

## 新化縣志

### 卷第十五

官師二

二十三

新建義渡記未云欣逢縣父母侯公象山以江左名儒出宰茲邑下車未久法正風清廢興敝舉諸事畢張又將所買義田契呈請鈐印垂爲鐵券並列諸貞珉令後世據碑考核不使強橫者得以侵漁則日月不息江山如故此渡與之長存而縣父母之芳名雖千載後亦同尸祝於無窮矣是爲記

荆道乾臨晉人乾隆三十一年署縣事甫下車問民利病以次興革有市魁某巨蠹也把持武斷爲一邑厲人莫敢誰何但切齒隱憾而已道乾至暴其罪將嚴懲之會某逃匿得免一縣稱快道乾在湖南久歷官東安永順善化諸縣所至卓有善政終官安徽巡撫遺疏上 純皇帝軫悼甚至 詔賜其孫爇舉人嘉慶中詔求道乾後人予以官并徵歷官治蹟宣付史館爲立傳道乾爲乾隆朝名臣以清節著聞固不第一邑所稱賢令尹也

方世仁字心禪一字松樓桐城人乾隆三十七年權知縣事世仁生長名族習聞吏治蒞縣首以廉潔自矢曰六計以廉爲本未有

不廉尙冀其治行之美者也一時苞苴請託無敢至門僕從吏胥亦無敢因緣爲奸者衙舍內外政體肅然世仁習勤勞每辰黎明起卽出坐堂皇視事至漏三四下始休人勸其宐少節勞應之且獨不聞古語有云縣官慢慢怨死者半乎吾勤尙恐於民無裨敢慢耶縣多盜世仁令民間行保甲法十家連結互相糾拏使奸宄無所容其有捕獲者立置之法盜患以息凡邑中利弊數年之間興革殆盡往時蠹民之輩皆懾其嚴明匿不敢出縣大治政暇輒召集士人講求學行藹然家人父子也語次或稍設私則峻拒之月勤考課鄰縣諸生多踵至貧士之不能自贍者出俸貲助之每以事躬歷鄉村所遇問民間疾苦聞村塾讀書聲輒停車課所業人暱之忘其爲官長之尊也其先宰邵陽爲治一轍去官後兩縣士民追思不已邵人勒碑於試院左側紀其治蹟新化立木主於

新化縣志

卷第十五

官師二

二十四

遺愛祠兩縣競爲詩歌各彙成一冊顏曰去思吟又曰里老吟世仁清聲善政卓然爲乾隆朝循吏乃其部民親愛感戴至沒世不忘民亦何負於官哉附錄邑人去思吟歐陽基文詩寂歷柴扉久未開時蒙騶從繞城來蕭蕭琴鶴風千古渺公蒞芟水一隈處士虛聲鄒逸鶴詩五斗雅化共相推此生甚欲依擅無計挽行舟欲知此後相思處彭澤門前柳葉秋有碑陳魁春詩懷無計挽行舟欲知此後相思處彭澤門前柳葉秋有碑陳魁春詩有三載敷施政有成書外路輕煙疏柳水邊城重他日知羣赤瞻未有至情落照鳴蟬外路輕煙疏柳水邊城重他日知羣赤瞻未唱一葉扁舟今日去囊中無物只詩多馬迓陽紹洛詩問我年多少我年恰九齡學詩慚倚馬展卷愛囊螢所怙悲風木謀生仗鵲感公噓植意努力繼先型

黃九敘錢塘人乾隆三十八年任縣事在縣四載愛民重士皆有實效勤聽訟終日據案研鞫必求平允始已讞畢兩造皆帖然服也吏民懷畏兼至遂不敢欺先是縣令王業銓議以梅溪書院專爲考棚而擇地別建書院未及行而去乃自畱私俸百金儲之縣



庫爲異日建置費至是九敘始於考棚左廡建卽今所稱之正誼書院也九敘以調任零陵去其後知縣林聯桂卽書院中建遺愛祠合祀九敘與前令方世仁蓋從縣人士之請云歐陽紹洛有記見祠祀志

戴高江浦人乾隆五十二年署縣篆乾隆初縣令戴高有循聲高至與同姓名而愛卹百姓禮重士夫治尙略同而敏達過之邑人因稱之爲後戴云在縣未久以除平江縣去時值用師臺灣上官檄辦兵米二千餘石高不忍累平江民自買米汎舟運之福建往返凡二載歸未久遽卒於伍公市平江民哀之慟新化士民聞之亦皆思悼不已也

秦漣梁山人進士乾隆五十五年任縣事節儉自守爲政不尙煩苛力除積弊民愛戴之嗣任邵陽武岡所在皆有政聲上官三以新化縣志

卷第十五

官師二

二十五

卓異薦竟乞休歸婦孺走送數十里不絕  
毛琇字華谷長沙人嘉慶二年任教諭琇有學行風度端凝吐屬嫻雅靄然君子儒也縣人毛學古者乾隆朝名宿也嘗隨其父於雍正朝官善化教諭與長沙毛氏通譜至琇官新化時學古官靖州訓導歸年九十矣琇登堂拜謁以諸父事之執禮甚恭又爲序其松鄰文集可想見其風義之古也在任五年士服其教雅喜爲詩其游雙清亭作甚爲時人所稱詩見沅湘耆舊集

周大澍字雨霖長沙人嘉慶八年任教諭學識高邁爲時名人大澍嘗歷官武陵教諭甘肅知縣及終官新化年已篤老矣猶喜與諸生談文性最好客有詣之者輒強畱命老蒼頭治饌不計廚無炊米也在縣最久士林翕然從之亦善詩古文嘗爲縣人鄧顯鶴題蓬萊閣觀海圖詩博雅可誦顯鶴又言曾見其所爲家傳紀國

變時事甚悉惜不得見

劉體重字厚庵趙州人嘉慶八年以拔貢權知縣事縣故多訟體重初蒞任案牘堆積最先調得善訟者治以法民乃驚服體重善鉤距勤於聽斷晨起坐堂皇日久不退一日能結數十案或行部所至村氓里媪雜還控訴耳聽口授摘奸決伏無不立剖胥吏不敢因緣爲奸及代者將至人多以五日京兆易之體重以已所應理者竭日夕之力了之語人曰吾非欲多事正恐去後或株累吾民耳縣人至今思之體重所至以能著累官至湖北布政使卒於官其先體重攝縣者有陶元直君子人也愷悌慈易厪心民瘼而介節凜然湖以南所稱良吏者也元直字古愚河南人

陳貽厚字東庭祥符人進士嘉慶十三年任縣事貽厚有辯才能以口給折獄雖善訟者遇之輒窮不能盡其辭也在任倡建北塔

## 新化縣志

### 卷第十五

官師二

二十六

始基甚力又以其暇修東門城樓喜博覽有韻纂一書在任所刊行也以憂去其時有方春者署典史善治盜嘗捕得猾賊數十人寘之法無所得脫盜風頓息春去後村落間有二十年不被賊者民至今思之官在盡職耳奚論尊卑哉春漢川人道光初湖南巡撫康紹鏞聞其能將試而拔之而春已卒矣

李之梓字俞元河陽人嘉慶二十二年以進士任縣事之梓爲湖南巡撫李發甲曾孫發甲康熙朝名臣也之梓自以名臣之裔不敢稍玷家聲所至以清介著聞爲政能持大體事治而民不擾嘗以縣志久闕未修大治酒食召縣人謀之會有成議矣以調任遽去未果後擢永順府古丈坪同知卒於官新化士民聞之無不哀悼者

王晉慶字康侯山東聊城人道光五年署縣事善聽訟民不能匿

情縣故多訟每告期輒數十紙蒞事一月訴者幾絕縣人歐陽紹洛詩云昔我困攘竊口夕無安居懷詞訴公庭反以誣良拘自從使君來此屬始遠踰行客宿道旁有篋莫敢舐昔我困輸納但飽吏與胥百端立名目窮年迫迫呼自從使君來民息始一蘇豈無冠者虎有爪不敢舒昔我困里豪無事巧見誣一夫發其難百室爲之虛自從使君來始免肉與魚懲紆迪之義乃使感愧俱紹洛性孤峭少所許可其推重如此可想見其爲政矣

張家榘字靜安一字蓉裳湘潭人嘉慶辛酉舉人道光七年任教諭家榘少以詩名善病不樂吏事道光六年與大挑旣得縣令賀者踵門家榘意不懌曰此事須決之老友鄧湘臯耳時鄧顯鶴同謁選都門首向吏部改就教職家榘因就商出處顯鶴曰均之官也而有尊卑貧富勞逸冷熱之不同余處卑而讓君以尊貪逸而

### 新化縣志

#### 卷第十五

官師二

二十七

責君以勞可也余甘貧而謂君欲富耐冷而謂君不怯熱乎哉且勞與逸又安所得尊富也家榘極躋其言卽向吏部求改官踰年選授茲秩諸城王金策嘗序其詩云蓉裳頃將之官新化余聞新化有兩詩人一爲歐陽礪東一爲鄧湘臯二子者殆非今世所謂詩人也蓉裳挾其技以往見二子於古梅冰雪之中吾烏知非天厚蓉裳故牽引使三人者聚處一方一大昌其詩也礪東歐陽紹洛字也家榘在縣人多暱就之以學舍傾敗亟爲釀金營葺家榘更就隙地闢爲園遍蒔花竹晨夕彈琴賦詩其下將遂有終焉之志尋以疾卒於郡城旅寓卒之先年嘗編次其古今體詩爲蓉裳詩鈔顯鶴爲之序刊及卒復爲銘其墓縣人迄今每過學署輒唏噓流連而不忍去曰此詩人張先生嘗居此八年者也

附錄歐陽紹洛贈靜

安學博詩云西鄰有佳人窈窕得正色造物定何意才瞻命乃隻廿年躡槐黃不入官錦格但聞李修古除目甚赫赫去春直銓典

分合捧邑檄翻然上書請願以學博易廣文雖行云窮歲嚼冰  
賓朋競沮笑族黨或交謫先願生獨喜促促理行策謂此椀豆  
至賴可昆遺籍筋力困繁劇先車轂幸未衰憑藉已非昔好官多  
思之竟何益庶安冷擊或可免責古人道仕生意在孤介積  
吾仕爲貧耳固宜安抱擊先可免責古人道仕生意在孤介積  
有紛過賁場風塵玩可識安耳亦飽眉出顏聽人炙古按劍雖  
絃誦力連巷陌亦有忠自信息我老無明儔抱影對蓬壁不謂  
豈念逾姻戚常當奉休暢慰此暮景十稔居爲君數辰夕送  
遙觀興至命歡觴狂來灑吟墨勉作十稔居爲君數辰夕送

林聯桂字辛山吳川人進士道光十年任縣事性和易居官有廉  
惠稱邑舊以俗悍聞於行省吏奉檄來者幾視爲畏途聯桂至見  
其民情易感士知嚮學慨然歎曰誰謂新化爲難治之區耶司牧  
者顧多自取疾怨於百姓不知自返乃以民俗乖盭相訾是誣民  
以自欺也烏乎可新人多感其言聯桂喜以科舉業誘迪邑士既  
以時集試於庭復屏騶從就試諸鄉窮村僻壤皆所躬歷雖隆冬

新化縣志

卷第十五

官師二

二十八

盛暑弗輟遠近雲集觀者如堵聯桂懽然色喜也嘗刊所試課文  
爲古梅一百二十村觀風集豔稱一時居新化三年調宰邵陽尤  
有聲時道光十五年也蒞官數月卒貧至不能歸喪兩縣人皆哀  
悼之

王尙德字靜亭邵陽人舉人道光十五年署縣事有清操丰裁峻  
整胥吏罔不股慄訟師刁棍無敢因緣爲姦公餘試捕役技藝勇  
力過人舉重若輕嘗微行聞有盜卽率勇士往捕之盜懼多遠逸  
萑苻之警以息其後有王光庭者居官亦無怨聲光庭字蕺田會  
稽人

胡廷槐字約齋一字蔚堂晉甯人進士道光十九年任縣事居心  
仁厚舉止雍容馭吏治民不苟責諸人情外接士大夫以禮按月  
課士授以孝經令其背誦有不率則夏楚隨之無有怨謾者新化

學宮舊制湫隘勸殷實捐修舉正紳董率創造一如定制費二萬餘金爲請議敘二三十人道光庚子城南弗戒於火延燒南樓勸監生劉祚倫更新並修東西北三城樓四圍城基費萬六千金縣試拔祚倫孫第一人弗以爲私後調邵陽知縣治績一如新化閩海林字潤東解州人進士道光二十六年代縣篆有才智而持守特嚴無敢干以私者嘗一日鞫讞十餘事卽老奸巨猾不得盡其辭囹圄一空蒞官甫三月多惠政新人常憾其去之速自署公堂聯云神明豈敢言但不宥糊塗了事父母何所謂要眞覺痛癢關心直自道亦官箴也

李春暄字寅庵內江人進士道光二十六年任縣事寬厚和平暇則課士子文藝口講指畫一如塾師自忘其爲長官也改遷資江書院增修四城女牆勸捐義穀俱請議敘今猶賴之

新化縣志

卷第十五

官師二

二十九

勞崇禮字仲敦善化人附生道光二十九年任訓導爲總制崇光之兄少多病年五十始娶其學以篤實恬退儉約自守爲宗經史多手校精於易尤勤三禮辨論皆有根據居官以身範士人敬憚之逾於嚴師傅咸豐壬子冬髮賊攻長沙郡守檄令崇禮防石子嶺教諭王家俊防黃柏界卽日與家俊各率勇士二百就道時適遘疾語士人曰吾將以死報國君等其收骨焉居防所四閱月徧歷諸村督行團練積勞漸劇沈緜三載遂以不起卒之日邑人士奔會赴哭喪歸白衣冠送者數百家俊字芷庭道州人舉人植品勵學亦無忝在官者也

張長庚字夢白長葛人舉人道光三十年署縣事性嚴峻剔奸釐弊洞悉隱微或餽以言輒唾其面新邑故多蠹役長厚者坐受其欺甚至勾通門丁私收班卡亦有經官開釋而仍私坐者長庚廉

知其弊日持簿親點班卡細察情實以故胥吏無能鉤致一錢善治盜鄉間捕盜至立置之法無少貸縣有劉成蛟者聚黨橫行巨痞也時奉府札訪拏甚急授計回籍吏部主事王家勳遣從九伍華舉訪獲械送斃杖下並治成蛟餘黨十餘人無一生還羣盜皆斂跡民賴以安旋調臨武亦有惠政

彭兆崧字樹人衡山人舉人咸豐七年任教諭爲殿撰後之季嗣少時殿撰嘗以老教官目之謂其質樸不假雕飾也其學富贍和藹可親就學者日益眾新化攻舉子業者多寒畯鄉試向無攸助捐百金爲卷貲厥後陸續捐積不十年合成巨款乃有賓興之舉祀賓興館重其真心愛士也後陞寶慶府教授待新化士子有加禮以老致仕同時官訓導者許秉鈞捐卷貲亦如兆崧數捐書院膏火一百緡秉鈞字杞臺善化人陞華容教諭

新化縣志

卷第十五

官師二

三十

鮑聰字聽彝金華人舉人同治元年署縣事寬厚而耿介聽訟平允惟懼罔民尤喜獎進士類與論文娓娓弗倦所拔士皆真才同治癸亥夏大饑穀價昂貴土匪蠢動西南首望山白旂峯諸處俱有報聞以爲飢民弗介意人或以是少之匪旣平窮治餘黨知府邵綬名尙嚴聰以寬濟猛全活者多愛民之心則可原也去任後卒於益陽釐金局新人爲立主遺愛祠

張垚字笏臣巴陵歲貢充教習同治二年任教諭博覽羣書以宋儒爲宗性冲和不立崖岸嘗曰士生斯世不能不取科第卽不能不習舉子業但當思古人所言卽古人所行得志以之爲治不得志以之爲教而已居官六載日雞鳴而起寒暑風雨無少懈與生徒講道論德兼課文藝士習爲之一振生平著述甚富如讀書真種子傳薪蒙養十五箴敦仁堂啟蒙摹本批點綱鑑小學及諸論

說類皆羽翼經傳年七十餘猶能作蠅頭細字戊辰卒於官易簣時整冠束帶端坐以逝喪歸執紼以送者數百人人皆謂學官沒後能令人哀思者勞師外惟張師而已其先官教諭者有朱輝南輝南慈利人舉人勤學善教士悅服之以憂去今起復授衡山教諭

治績 統部

宋

蔡煜 范子奇

明

章曠

國朝

錢澧 張姚成 程恩澤 褚廷璋 李宗瀚

新化縣志

卷第十五

官師二

三十一

蔡煜宋州人湖南轉運副使潭邵間有上下梅山其地千里馬氏以來獠人據之號莫獠有厲禁制其耕墾出八歲久公然冒法前湖南轉運副使范子奇奏蠻恃險爲邊患宜臣屬而郡縣之子奇尋召入判將作監又述前議及煜至奏開其酋以禍福使爲土民口授其田略爲貸助使業其生建邑置吏使知有政上嘉納之會章惇察訪本路卽付其事同煜經理檄入境獠果大歡從授冠帶畫田畝分保伍列鄉里築二邑隸之籍其田以畝計者二十四萬增賦數十萬遂招懷邵之武岡蠻三百餘族戶數萬歲輸米以萬計納其所畜兵仗以其地建二寨上遣使勞之賜邑名曰新化安化寨曰武陽關峽遷太常丞直集賢院又撫納邵徽誠等州鎮蠻族之歸附者皆以補吏因言治新民法宜有張弛願假便宜詔從之

章曠華亭人崇禎末授沔陽知州總督袁繼咸署爲監紀及福王立南京何騰蛟至長沙以曠爲監軍唐王時擢爲右僉都御史桂王加兵部右侍郎張先璧之掠新化也自溆浦取道筍芽山至新化之橫陽山焚掠甚慘曠聞之自長沙單騎至縣檄先璧歸長沙臨發曠親立下渡橋凡被擄者悉釋之俟兵卒過畢始行新化人甚德之感頌弗衰時 國朝順治二年也後長沙守將王進才與覃遇春鬩大掠而去何騰蛟奔衡州曠亦走寶慶長沙遂失騰蛟駐祁陽曠來會騰蛟以兵事屬曠而謁永明王於武岡曠移駐永州見諸大將擁兵聞警輒走抑鬱而卒事詳明史本傳

錢澧字東注一字南園雲南昆明人以進士起家官御史直聲震天下遷通政副使乾隆四十八年任湖南學政時新化阜隸最橫李廷志者蠹役也其子欲與試廩生艾士益蕭鼇鄒學楠暨諸廩

## 新化縣志

### 卷第十五

官師二

三十二

生擯之而廷志他子先以改履歷入武學又有納粟入監者廷志以爲言士益及鼇約縣中諸生愬之大吏大吏削廷志子學籍而以漣名具控漚士益及鼇衣衿澧將爲平反旋以憂去以其事屬繼任學政張姚成姚成改士益名爲倬雲仍令應童子試復列之弟子員而奏嚴件作及邵陽縣糧差子弟應試永著爲例其後五十年又有段姓違例應考入武學之事武生周長浩首詰之廩生歐陽潤歐陽鷗約縣中諸生二百餘人愬之大吏爲削段武學籍亦以漣名具控漚潤等四人衣衿長浩先病卒縣人頗思其首事之勞縣故有郡城廩保公所名寶賢堂祀士益鼇學楠至是以長浩祔焉姚成字忍齋浙江仁和人乾隆五十四年以內閣中書任程恩澤字春海歙縣人嘉慶辛未進士道光五年以侍講學上提督湖南學政澤博學多通矜尙名義爲詩文沈博絕麗高出流輩



待諸生最嚴與錢澧同而嫉惡如仇愛才如命殆乃過之時新化鄧顯鶴官甯鄉訓導恩澤與爲至交不以僚屬遇也又因顯鶴識其同縣歐陽紹洛按試寶慶畢招紹洛與知府譚光祜新化教諭張家渠讌集雙清亭鄞縣沈道寬爲作圖紀事一時傳爲佳話先是乾隆中褚廷璋督學湖南於按試寶慶得新化吳樵孫起楠二人爲之延譽卒成名士嘉慶中李宗瀚相繼爲督學復命上問楚南文風宗瀚首以新化對宗瀚亦與顯鶴爲至交說者謂湖南提學以風雅名者無過三公云廷璋字筠心長洲人宗瀚字春湖臨川人

武功

漢

梅 鎬

新化縣志

卷第十五

官師二

三十三

元

阿里海牙

郭 昂

明

吳與甯

胡 海

黃 榮

童 泉

國朝

沈永忠

線國安

袁廓□

鄧萬鍾

李續宐

梅鎬長沙□吳芮裨將也初項羽以芮平百越佐諸侯入關故立芮爲衡山王都邾其將梅鎬功多封十萬戶爲列侯羽卒高祖以鎬有功從入武關故德芮徙爲長沙王都臨湘鎬從徙因家梅林舊志相傳以爲古梅所由名也

道光府志梅鎬以功封十萬戶爲列侯見漢書吳芮傳又史記高祖

木紀五年徙衡山王吳芮爲長沙王都臨湘番君之將梅有山  
從入武關故德番君其言止此而舊志相傳銷家梅林者以梅山  
谿崗漢屬長沙王國本益陽縣舊梅山地故遂以梅山爲梅銷家此故  
化人物志且列銷於事功新化山川志則以梅山爲梅銷家而安  
以名山又云銷初從漢王入關功多封列侯嘗出  
征經大庾嶺其後亦以名嶺則尤附會之甚矣

阿里海牙畏兀兒人至元十一年拜右丞與伯顏阿朮同伐宋士  
三年正月阿里海牙取潭州徇寶慶下之宋通判曾如驥投水死  
遂取武岡進行省丞相十四年宋張虎起兵寶慶復新化安化益  
陽甯鄉諸縣阿里海牙屢遣兵敗之十五年復取新化虎走已而  
虎再陷新化安化十八年使左丞奧魯赤禽虎殺之其黨皆散奧  
魯赤札刺台人以萬戶從阿里海牙伐宋遷湖北宣慰使進左丞  
時宋將張虎據新化安化屢征不克十八年奧魯赤率兵討之斬  
虎及其黨周龍餘眾悉散遣寶慶始安

郭昂字彥高林州人至元十六年拜安遠大將軍徇沅州西南界

### 新化縣志

#### 卷第十五

官師二

三十四

復新化安化二縣禽宋張虎而縱之

吳與甯明初指揮也洪武元年以荊州衛指揮從征明兵既取寶  
慶元將周文貴走武岡是時土豪羅有朋擾新化王友諒擾武岡  
邵陽文貴皆假以萬戶將合兵攻郡城楊璟既取全州使與甯率  
眾攻武岡與文貴遇於紫陽河數戰不利使人啖共軍師鄒某以  
官鄒不從與甯分軍爲二乘夜夾攻之文貴走鄒某以眾五百降  
使新化土豪楊天繼攻有朋於羅洪殺之與甯遂攻友諒於石下  
江友諒走苗寨與甯追斬之殲其部曲友諒女三人收潰卒保白  
馬山與甯進圍之遣使招三女三女不應圍至七日三女與其眾  
皆餓死

胡海字海洋定遠人嘗入赤塘土豪王總管營自拔歸郭子興子  
興命隸明太祖麾下所至皆有功屢戰傷手足胸腹間瘡痍皆遍

而鬪益力士卒從之者無不激勵自效太祖壯之授花鎗上萬戶復從徐達克荆澧衡潭至正二十五年達遣海總制諸軍攻寶慶路招降土豪賀興隆黃榮楊天繼等遂由新化取寶慶禽元元帥唐隆道鎮撫李貴擢寶慶衛指揮僉事尋遷指揮使鎮益陽同指揮同知賀興隆築新化城洪武十七年論功封東川侯祿二千五百石予世券子斌改龍虎衛指揮使

全傳見道光府志

黃榮寶慶人其先爲春溪峒長春溪在府西北百二十里宋孝宗時與板倉諸蠻掠郡境土民黃氏唐氏顏氏羅氏應募討平之遂假以官號世長其地唐氏衰楊氏代之顏氏衰榮之族人黃峒長代之至正時有羅有朋者羅氏之後也與峒長有隙攻殺之峒長姻家楊斗雷者楊氏之後也怨有朋約榮攻之不克斗雷奔連溪榮保後溪與安化土豪賀興隆相結有朋亦結武岡土豪王友諒

### 新化縣志

#### 卷第十五

官師二

三十五

邵陽土豪劉祖富廖廷康新化土豪王三彪以自固榮與斗雷攻三彪三彪走依友諒復與友諒有朋攻榮於後溪榮走依斗雷明將胡海至益陽榮與興隆斗雷皆納款海假榮及斗雷以萬戶使斗雷攻有朋於漿塘斗雷戰死已而興隆爲元將周文貴所敗文貴遂取寶慶榮守新化不下有朋友諒廷康三彪皆降文貴文貴亦假以萬戶使有朋禦榮及斗雷子天繼使友諒廷康禦辰沅兵有朋死子志孚繼之文貴攻辰沅爲明兵所敗還寶慶明洪武元年文貴救永州爲楊璟所敗退守寶慶榮與天繼將攻文貴文貴禦之茱萸灘胡海使王廷助榮出文貴後來擊大敗之遂取寶慶文貴奔武岡趣志孚友諒攻寶慶璟使指揮吳與甯攻文貴文貴走遂攻友諒克之榮與天繼夜襲志孚於羅洪殺之滅其家遂降廖廷康於隆回與與甯合軍圍友諒女於白馬山寶慶平授本衛

指揮五年移寶慶衛於邵陽榮督工立衛署六年復與胡海築寶慶城榮在衛甚有聲規制屯地皆榮所定後改衡州指揮卒童景施州衛人以世蔭襲指揮使正德末守備武岡撫士卒有恩軍之還復據險作亂有段文諫者武岡獄囚也越獄逃入政巢助之出掠於是武岡邵陽新化溆浦綏甯歲有寇警至正德十四年政使其黨千人掠新化爲鄉民所殲然阻險如故嘉靖五年五月政文諫以眾五百犯綏甯武陽擄掠婦女勢張甚景恐其南煽城綏諸蠻使武岡守備王表督兵剿之表恇怯不敢進且言剿除甚難景草檄趨之已知其無能使守備袁柱自溆浦進而自率精銳數百赴關峽督表進兵賊退入巢穴景進至鹽井坡山路險阻乃詢鄉老盡得林壑曲折及賊砦所在命死士胡廣德等窮搜數日

新化縣志

卷第十五

官師二

三十六

獲政父子及其黨百六十餘人餘眾奔溆浦界表使諜往誘夜捕之復獲一百三十二人文諫亦爲柱所獲景號令嚴明所過樵蘇無犯鄉民爭爲嚮導故所至有功政之死也其黨再吳據新化元溪至十五年爲新化知縣利賓所誘擒再吳子廷祿復聚再吳餘黨據元溪萬曆中新化知縣姚九功平之袁柱平溪衛人以世蔭襲指揮嘉靖中亦爲武岡守備治盜尤嚴捕獲卽誅之

全傳見道光府志

沈永忠遼東人續順公志禎猶子也順治四年志禎卒無子永忠

襲爵七年 大兵已取寶慶

上以寶慶數反復

命

永忠率重兵鎮守副以中路總兵許天寵左路總兵張國柱右路總兵郝效忠時明總兵馬進忠據益溪以掠武岡新甯牛萬才踞橫陽山以掠新化諸將王進才亦出沒辰沅寶慶寶慶民屠戮幾盡永忠以進忠強而萬才少弱先破之則進忠自退遣國柱同線

國安猝搗萬才砦萬才不能支遂率總兵官以下八十三人兵五千三百人以降永忠後移福建禦海寇

全傳見道光府志道

王平不知何許人順治十一年以湖南右路總兵鎮守寶慶十五年六月平追潰卒於邵陽敗之初明將高啟龍踞武岡洞口激浦邵陽隆回諸土豪皆應之有薛士道者入邵陽麻塘山誘諸徭掠靖州武岡及總兵許天寵取武岡高啟龍走士道爲大兵所殺其卒千餘自邵陽隆回走新化洋溪過橫陽山白溪抵陂頭沿途劫掠死者甚眾總兵麻某遺兵追之至大黑場與戰不利潰卒轉安化藍田入邵陽三溪安上梅塘萬安仁風中鄉大肆殺掠平率兵追及之斬其渠魁餘俱縱遣之郡境於是稍安尋調思南總兵去

線國安遼東人隨孔有德歸國朝順治二年授前鋒統領四年

新化縣志

卷第十五

官師二

三十七

從恭順王有德克寶慶武岡尋升定南王左翼總兵七年二月從有德攻武岡克新甯禽明總兵黃順祖九年司總兵張國柱攻明總兵牛萬才於新化橫陽山克之後官至提督封三等伯

袁廓宇偏沅巡撫駐寶慶府寶慶自順治四年爲大軍所敗

大軍還明將輒復據之反復者六次屢勞大軍朝廷忿其頑以爲不足惜下令搜鄉以其地牧馬而明將復屠新化城步民數百里無人煙城中民亦寥寥廓宇悉力招徠使朱應昇署知府楊演爲邵陽知縣張際龍爲新化知縣三人皆循吏民始有甯字然武岡新甯城步尙爲殘明所據朝廷之所有者邵陽新化而已十五年總兵許天寵張國柱取武岡新甯城步攻高啟龍於洞口啟龍死其眾走新化邵陽總兵王平討平之

全傳見道光府志道

鄧萬鍾字受庵鎮筸人道光十九年任把總能詩善書溫文儒雅

一洗武夫習氣喜與士大夫交游造謁者踵相接也防汛署滲漏就傾萬鍾改作之邑人士輸將恐後道光己酉李沅發謀逆萬鍾時爲寶慶協千總隨知府張鎮南防堵要隘罔辭勞瘁咸豐己未髮賊攻寶慶勢張甚萬鍾晝夜巡邏嘗語所知者曰吾雖居卑官設師徒撓敗危城不守誓惟以死報國旣圍解萬鍾得不死然其言亦壯矣

李續宐字希庵湘鄉人以書生從戎所至有功咸豐九年夏四月髮賊石達開賴剝皮等率數十萬眾由江西贛州擾郴桂及永直逼寶慶城水路造浮橋陸路連營幾二十里厚集其勢以爲寶慶唾手可得時知府邵綬名邵陽舉人王承澤等畫策堅守援軍四集總兵田興恕都司李有恆當其南候補道趙煥聯當其東按察司劉長佑當其東北益陽訓導鄒漢章總兵劉培元督水師礮船

新化縣志

卷第十五

官師二

三十八

巡警北岸且戰且守九十餘日城中疫又作死亡相繼勢窮力竭矣新化在郡之北無一官兵防禦僅募團勇三千分守七卡與賊營遙遙相望七月十六日賊破牛山草窠諸卡栗坪遇害者甚眾居民爭相逃避新化危如累卵越十日續宐以荆宐施道奉湖北巡撫胡林翼調遣援寶率勇萬餘由益陽疾進初駐嚴塘遣馬隊五百爲先鋒哨探遇賊以火彈火箭齊攻賊潰乘勝逐北颯颯紛紛豕突狼竄沿河賊壘數十里一掃而空水師礮船夾擊落水死者無算屍浮益陽資水爲穢十餘日石賴遁去寶慶圍解新化得安續宐後累保至安徽巡撫積勞成疾卒諡忠勇 詔於有功地方得立專祠